



INSTITUTE FOR
YOUTH RESEARCH
MALAYSIA

GARIS PANDUAN

PENYELIDIKAN SECARA KERJASAMA IYRES



KNOWLEDGE-ACTION-IMPACT

IYRES merupakan sebuah pusat penyelidikan nasional yang mengkaji pelbagai aspek aliran dan pembangunan generasi muda dan kaitannya dengan perubahan yang berlaku di peringkat nasional, serantau dan antarabangsa. Untuk mencapai matlamatnya, Institut ini akan melaksanakan pelbagai penyelidikan; menganjurkan persidangan, bengkel, syarahan dan seminar; menerbitkan jurnal, risalah mengenai hasil penyelidikan; mewujud dan melaksanakan program latihan berkaitan penyelidikan; dan menyediakan kemudahan penyelidikan yang pelbagai termasuklah sebuah pusat sumber dan data mengenai pembangunan belia.

Institut Penyelidikan Pembangunan Belia Malaysia
Kementerian Belia Dan Sukan Malaysia
Aras 10, Menara KBS, Lot 4G4, Presint 4
Pusat Pentadbiran Kerajaan Persekutuan
62570 Putrajaya, MALAYSIA
Tel : +603 – 8871 3705 Faks : +603 – 8871 3342
Emel : penyelidik@iyres.gov.my
Laman Web : www.iyres.gov.my

VISI DAN MISI IYRES

VISI

Peneraju penyelidikan pembangunan belia dan pusat
rujukan data belia menjelang 2020.

MISI

Menjadi institut penyelidikan pembangunan belia berpengaruh di
peringkat nasional dan serantau.

PENDAHULUAN

Institut Penyelidikan Pembangunan Belia Malaysia (IYRES) ialah sebuah pusat penyelidikan nasional, di bawah naungan Kementerian Belia dan Sukan, yang menjalankan kajian dalam pelbagai aspek pembangunan belia dan kaitannya dengan perubahan yang berlaku di peringkat nasional, rantau dan antarabangsa.

Selaras dengan itu, bagi mengekalkan kebolehpercayaan data dan maklumat yang disediakan, IYRES sentiasa memastikan integriti pelaksanaan kajian dipatuhi berlandaskan Piagam Integriti Penyelidikan IYRES. Selain itu, setiap tindakan dan gerak kerja yang dilaksanakan adalah mengikut *Standard Operating Procedure* (SOP) atau Garis Panduan yang telah ditetapkan.

Bagi memastikan dan memudahkan rujukan oleh semua pihak khususnya yang terlibat secara langsung dalam kerja-kerja penyelidikan, maka Garis Panduan: Penyelidikan, Data, Penerbitan dan Perundingan Penyelidikan IYRES ini didokumenkan.

PIAGAM INTEGRITI PENYELIDIKAN INSTITUT PENYELIDIKAN PEMBANGUNAN BELIA MALAYSIA

1. Berjanji melaksanakan penyelidikan, perkhidmatan penyelidikan dan bertindak sebagai *Think Tank* mengikut polisi integriti dan etika penyelidikan.
2. Memastikan perancangan dan pelaksanaan penyelidikan adalah berlandaskan kepada keperluan penyelidikan.
3. Memastikan misi pelaksanaan penyelidikan adalah untuk memberi keutamaan kepada pembangunan belia dan masyarakat.
4. Memastikan pelaksanaan penyelidikan dan perkhidmatan penyelidikan mematuhi peraturan, dasar, prosedur dan ISO pengurusan kewangan dengan telus dan bertanggungjawab.
5. Memastikan pelaksanaan penyelidikan dan perkhidmatan penyelidikan berlandaskan undang-undang dan mempunyai akauntabiliti kepada stakeholder dan pihak yang terlibat dengan pembangunan belia.
6. Memastikan pelaksanaan penyelidikan dan perkhidmatan penyelidikan tidak memihak dan bertolak ansur kepada mana-mana pihak secara individu/organisasi.
7. Memastikan hasil penyelidikan tidak menyembunyikan apa-apa fakta, bersifat tulen, telus dan tidak berkepentingan.
8. Memastikan penghasilan hasil penyelidikan/ data yang mempunyai integriti dan bertanggungjawab menginterpretasikan hasil penyelidikan/ data secara tepat.

BAHAGIAN A: PENYELIDIKAN

KAJIAN SECARA KERJASAMA

1.0 TUJUAN

Garis panduan ini dibangunkan bagi menjelaskan proses pelaksanaan penyelidikan secara kerjasama mengikut kepakaran ahli akademik, Agensi Luar/ Institusi Penyelidikan /Institusi Pengajian Tinggi atau individu yang berkelayakan bagi skop kajian pembangunan belia dan sukan di Malaysia.

2.0 PENGENALAN

Pada dasarnya Institut Penyelidikan Pembangunan Belia Malaysia (IYRES) berperanan sebagai agensi yang berfungsi sebagai pusat penyelidikan nasional dalam mengkaji pelbagai aspek aliran dan pembangunan generasi muda. IYRES dilihat sebagai platform terbaik membudayakan penyelidikan khususnya dalam aspek pembangunan belia.

Sehubungan itu, IYRES memperuntukkan pemberian dana dalam bentuk Penyelidikan Secara Kerjasama dengan Pakar Rujuk dalam bidang Sains Sosial dan penyelidikan secara *matching funds* antara Universiti/ Agensi dengan pihak IYRES tertakluk kepada kelulusan Ahli Lembaga Pengara (ALP). Penyelidikan-penyelidikan yang dihasilkan adalah berteraskan kepada penyelidikan pembangunan belia di Malaysia.

Hasil-hasil kajian ini akan disebarluaskan kepada umum khususnya yang terlibat secara langsung dengan kerja-kerja belia agar dapatkan kajian ini dapat diimplementasi bagi pembangunan belia di Malaysia.

3.0 OBJKTIF

- 3.1 Menggalakkan penyelidikan secara kerjasama dengan Universiti, NGO, Agensi Kerajaan atau mana-mana organisasi penyelidikan.
- 3.2 Hasil kajian dapat dimantapkan dengan kerjasama Pakar Rujuk dalam bidang kajian tersebut.

4.0 TERMINOLOGI

4.1 Pakar Rujuk

Individu luar yang mempunyai kepakaran dalam bidang-bidang tertentu seperti yang diperlukan oleh IYRES.

4.2 Kaedah Kerjasama

Terdapat beberapa kaedah kerjasama yang boleh dilaksanakan antaranya:

4.2.1 Matching Funds

Dana secara bersama disumbangkan oleh Agensi/ Universiti/ Institusi dalam melaksanakan penyelidikan bersama IYRES bagi mencapai matlamat kedua-dua pihak. Pemberian dana adalah bergantung kepada persetujuan kedua-dua pihak.

Dana kajian disumbangkan oleh Pihak IYRES bersama Agensi/ Universiti/ Institusi untuk perlaksanaan kajian secara bersama. Pemberian dana adalah bergantung kepada persetujuan semua pihak yang terlibat bagi mencapai matlamat semua penyumbang dana.

atau

4.2.2 Kos Ditanggung oleh Satu Pihak/ Sumbangan dana dari Pihak Luar

Dana disumbangkan oleh satu pihak dalam melaksanakan penyelidikan bagi mencapai matlamat pelaksanaan kajian. Kos dana adalah bergantung kepada persetujuan kedua-dua pihak.

5.0 BIDANG/ TOPIK PENYELIDIKAN

Penyelidikan secara kerjasama IYRES adalah berdasarkan kepada bidang/ topik semasa dan mempunyai impak yang tinggi kepada belia. Topik ini akan dibincangkan diperingkat IYRES dengan mendapat nasihat serta rujukan ahli Think Tank. Pemohon dipilih berdasarkan kertas konsep yang dihantar kepada IYRES dan bidang kepakaran penyelidik. Penyelidikan yang dijalankan **HENDAKLAH** memenuhi dua (2) daripada kriteria berikut:

- i. Mencadangkan pelan tindakan/ intervensi/ modul dalam menangani isu-isu utama dalam kalangan belia Malaysia;
- ii. Mewakili populasi belia Malaysia;
- iii. Menjadi benchmark kesejahteraan belia Malaysia;
- iv. Menyumbang kepada penggubalan polisi dan dasar Kerajaan;
- v. Memberi impak kepada pembangunan belia Malaysia;
- vi. Menjadi rujukan pembangunan belia di pelbagai peringkat.

6.0 SKOP

- i. Penyelidikan secara kerjasama ini boleh dipohon atau ditawarkan kepada individu atau berkumpulan iaitu daripada Ahli Akademik, Pelajar Sarjana/PhD, NGO, Agensi Kerajaan/Institusi Pengajian Tinggi/ Organisasi Penyelidikan yang berminat.
- ii. Tempoh masa pelaksanaan penyelidikan adalah enam (6) bulan.
- iii. Kajian akan ditawarkan kepada penyelidik yang mempunyai pengalaman/kepakaran dalam bidang penyelidikan yang ditawarkan.
- iv. Kajian-kajian hanya memfokuskan kepada pembangunan belia dan sukan.
- v. Menyumbang kepada penggubalan polisi dan dasar Kerajaan.
- vi. Memberi impak kepada pembangunan belia Malaysia.
- vii. Menjadi rujukan pembangunan belia di pelbagai peringkat.

7.0 TERMA DAN SYARAT-SYARAT

Permohonan atau tawaran menjalankan kajian ini terbuka kepada semua Ahli Akademik/ NGO/ Agensi Kerajaan/Institusi Pengajian Tinggi/ Institusi Penyelidikan yang berminat dengan syarat-syarat berikut:

- i. Warganegara Malaysia.
- ii. Melibatkan pakar dalam bidang kajian yang berkaitan.
- iii. Hanya satu sahaja permohonan Kajian Secara Kerjasama boleh dikemukakan dalam satu tempoh masa yang sama.
- iv. Hanya satu sahaja penawaran Kajian Secara Kerjasama boleh dikemukakan kepada pemohon dalam satu tempoh masa yang sama.
- v. Pemohon yang pernah menjalankan kajian bersama IYRES dan mempunyai rekod penilaian prestasi yang rendah (75% ke bawah) tidak akan ditawarkan untuk melaksanakan penyelidikan bersama IYRES.

8.0 SYARAT AHLI PENYELIDIK

- i. Ahli penyelidik hendaklah memiliki kepakaran yang diperlukan bagi perlaksanaan penyelidikan.
- ii. Sebarang permohonan pertukaran, pertambahan, penguguran ahli penyelidik hendaklah dimaklumkan kepada pihak IYRES terlebih dahulu.

9.0 PROSEDUR PERMOHONAN ATAU PENAWARAN

9.1 Kaedah melalui permohonan kepada pihak IYRES

Permohonan kajian secara kerjasama hendaklah menggunakan borang yang boleh dimuat turun menerusi laman web www.iyres.gov.my. Borang yang telah lengkap diisi hendaklah disertakan bersama kertas cadangan penyelidikan dan **resume** terkini pasukan penyelidik. Permohonan perlu dihantar melalui e-mel kajiankerjasama@iyres.gov.my mengikut tarikh yang telah ditetapkan.

Notis pemakluman penerimaan permohonan akan dihantar melalui e-mel. Walau bagaimanapun, pihak IYRES juga boleh menawarkan tawaran penyelidikan secara kerjasama kepada mana-mana pihak atau individu berdasarkan kriteria yang telah ditetapkan.

9.2 Kaedah melalui penawaran oleh pihak IYRES

Penawaran kajian secara kerjasama akan dikemukakan melalui Surat Tawaran oleh pihak IYRES. Penyelidik perlu mengemukakan Surat Akuan Penerimaan sekurang-kurangnya 2 minggu dari tarikh Surat Tawaran dikeluarkan.

10.0 MENANDATANGANI PERJANJIAN

- 10.1 Satu sesi menandatangani perjanjian penyelidikan akan dilaksanakan antara IYRES dan penyelidik. Segala kos berkaitan kehadiran penyelidik yang dilantik adalah di bawah tanggungan sendiri.
- 10.2 IYRES akan menguruskan proses perakuan dokumen dengan Pesuruhjaya Sumpah. Salinan perjanjian tersebut akan diserahkan kepada penyelidik (contoh Perjanjian Penyelidikan seperti Lampiran 35).
- 10.3 Penyelidik hendaklah membawa bersama salinan kad pengenalan (Ketua Projek) dan salinan makluman **akaun Bendahari Universiti/ Agensi/ Persatuan/ Kelab**.

11.0 KRITERIA PENYELIDIKAN

11.1 Metodologi Kajian

IYRES memberi pilihan kepada penyelidik untuk melaksanakan kajian dengan menggunakan pendekatan bersesuaian seperti:

- i. Kuantitatif

- ii. Kualitatif
- iii. Mix-method (kualitatif dan kuantitatif)
- iv. atau mana-mana metodologi yang bersesuaian

11.2 Sampel Kajian

IYRES memfokuskan kepada pengumpulan data di peringkat nasional iaitu data yang mewakili belia atau masyarakat di Malaysia. Oleh itu, jumlah sampel yang diperlukan adalah berdasarkan populasi semasa.

11.3 Lokasi Kajian

Kawasan kajian boleh dipilih berdasarkan kepada dua (2) pilihan berikut:

- i. **Pilihan I:** Melibatkan 16 Negeri termasuk Wilayah Persekutuan adalah seperti berikut:

- a) Selangor
- b) Negeri Sembilan
- c) Melaka
- d) Johor
- e) Wilayah Persekutuan Kuala Lumpur
- f) Wilayah Persekutuan Putrajaya
- g) Perak
- h) Pahang
- i) Kelantan
- j) Terengganu
- k) Pulau Pinang
- l) Kedah
- m) Perlis
- n) Wilayah Persekutuan Labuan
- o) Sabah
- p) Sarawak

atau

- ii. **Pilihan II:** 200-300 responden daripada 6 zon berikut:

- a) Zon Tengah
- b) Zon Selatan
- c) Zon Timur
- d) Zon Utara
- e) Zon Malaysia Timur – Sabah
- f) Zon Malaysia Timur - Sarawak

11.4 Format Penulisan Laporan Akhir

Laporan boleh ditulis samada dalam Bahasa Melayu atau Bahasa Inggeris sepenuhnya.

Setiap penyelidik perlu menghasilkan sekurang-kurangnya satu artikel berdasarkan dapatan kajian (tertakluk kepada persetujuan yang dinyatakan dalam Perjanjian Penyelidikan).

12.0 PEMANTAUAN PERLAKSANAAN KAJIAN

- 12.1 Semua penyelidikan yang diluluskan akan dipantau oleh penyelidik IYRES dari aspek prestasi kemajuan penyelidikan dan prestasi kewangan. Penyelidik juga perlu menjemput penyelidik IYRES ke semua sesi perbincangan/ bengkel yang dianjurkan yang berkaitan dengan gerak kerja penyelidikan.
- 12.2 Pemantau kemajuan penyelidikan dan kewangan dilakukan setiap 3 bulan.
- 12.3 Setiap penerima dana penyelidikan akan dinilai menerusi beberapa perkara iaitu:
- 12.4 Laporan akhir yang dihantar memenuhi spesifikasi yang diperlukan.
- 12.5 Laporan Akhir dihantar pada masa yang telah ditetapkan.
- 12.6 Menyerahkan laporan akhir dalam bentuk "hard Copy" dan "Soft Copy".
- 12.7 Membentangkan kertas konsep kajian.
- 12.8 Membentangkan hasil dapatan kajian akhir penyelidikan.
- 12.9 Khidmat/kerja diberikan bersesuaian dengan kepakaran
- 12.10 Mengemukakan laporan kewangan mengikut tempoh masa yang ditetapkan.
- 12.11 Mengemukakan laporan Kewangan yang terperinci.
- 12.12 Setelah penyelidikan selesai dan penyelidik telah menyerahkan laporan akhir. Pegawai IYRES hendaklah mengisi borang Penilaian Prestasi Penyelidik. Bagi penyelidik yang mendapat markah penilaian di bawah 75 Peratus, permohonan/ cadangan untuk melaksanakan kerjasama bersama pada akan datang akan dibekukan.

13.0 HASIL PENYELIDIKAN

Hasil penyelidikan diklasifikasikan kepada empat komponen iaitu laporan akhir penyelidikan, penulisan artikel jurnal dalam Malaysian Jurnal of Youth Studies (MJYS), Pembentangan laporan akhir dan harta intelek penyelidikan.

13.1 Laporan Akhir Penyelidikan

- 13.1.1 Penyelidik dikehendaki mengemukakan laporan akhir penyelidikan kepada IYRES pada bulan terakhir tamat tempoh penyelidikan seperti yang termaktub dalam perjanjian.
- 13.1.2 Laporan akhir penyelidikan mestilah menggunakan format laporan akhir yang telah disediakan.
- 13.1.3 Laporan akhir hendaklah diserahkan kepada IYRES sebanyak 3 salinan dalam bentuk 'Perfect Binding' dan dalam bentuk soft copy dimuat ke dalam CD. Perkara-perkara berikut perlu disertakan bersama di dalam CD:
 - 2 Artikel Jurnal
 - Ringkasan Eksekutif kajian
 - Raw Data kajian
 - Slide pembentangan kajian

13.2 Penerbitan

- 13.2.1 Penerima dana penyelidikan perlu menyerahkan 2 artikel jurnal untuk diterbitkan ke dalam Malaysian Jurnal of Youth Studies (MJYS).

13.3 Pembentangan

- 13.3.1 Penyelidik dikehendaki membentangkan hasil penyelidikan kepada panel penilai Penyelidikan Secara Kerjasama IYRES dan kedalam seminar penyelidikan anjuran IYRES.

13.4 Harta Intelek Penyelidikan

13.4.1 Penerima dana penyelidikan akan didaftarkan untuk Harta Intelek. Permohonan akan dibuat oleh IYRES.